

颜子年谱

◆ 颜景琴

作者简介：

曲阜师范大学教授，曾任新加坡颜氏公会名誉会长。

一岁 公元前521年，周景王二十四年，鲁昭公二十一年，颜路二十五岁，孔子三十一岁。《陋巷志》：十一月十六日颜子生。其家居鲁城陋巷。

二岁 公元前520年，周景王二十五年，鲁昭公二十二年。四月，周景王卒，子猛立，即悼王。王子朝联络旧官、百工与灵、景之族造反，杀悼王自立，晋人攻之，立景王另一子丐，是为周敬王。端木赐生。赐字子贡，卫国人。颜子在鲁。

三岁 公元前519年，周敬王元年，鲁昭公二十三年。颜子在鲁。

四岁 公元前518年，周敬王二年，鲁昭公二十四年，颜子在鲁。

五岁 公元前517年，周敬王三年，鲁昭公二十五年。鲁昭公伐季孙氏。季孙、叔孙、孟孙三家联合反抗昭公，昭公师败奔齐。孔子赴齐。颜子在鲁。

六岁 公元前516年，周敬王四年，鲁昭公二十六年。孔子在齐闻《韶》。鲁昭公自齐居郓。颜子在鲁。

七岁 公元前515年，周敬王五年，鲁昭公二十七年。孔子返鲁。吴公子光使专诸



颜景琴

刺吴王僚而自立，是为吴王阖闾。樊须、原宪生。须字子迟，鲁人；宪字子思，宋人。颜子在鲁。

八岁 公元前514年，周敬王六年，鲁昭公二十八年。鲁昭公至晋，居乾（晋邑）。颜子在鲁。

九岁 公元前513年，周敬王七年，鲁昭公二十九年。晋铸刑鼎。颜子在鲁。

十岁 公元前512年，周敬王八年，鲁昭公三十年。孔子年四十，自称“四十而不惑。”澹台灭明生。灭明字子羽，鲁之武城人。颜子在鲁。

十一岁 公元前511年，周敬王九年，鲁昭公三十一年。晋侯欲送昭公回国，鲁季孙如意来迎，昭公未敢返鲁。陈亢生。亢字子禽，陈人。颜子在鲁。

十二岁 公元前510年，周敬王十年，鲁昭公三十二年。鲁昭公卒。季孙立昭公弟公子宋，是为定公。颜子在鲁。

十三岁 公元前509年，周敬王十一年，鲁定公元年。孔子年四十三岁，颜子入学，师事孔子。“颜子生而明睿潜纯，有圣人之资。十三岁从学于孔子。”（《学统正统·颜

回》)公西赤生。赤字华，鲁国人。颜子在鲁。

十四岁 公元前508年，周敬王十二年，鲁定公二年。子路、颜回浴于洙水，有五色鸟。颜回问子路。曰：“荣荣之鸟。”后日，颜渊与子路又浴于泗水，更有前鸟，复问于路“识此鸟否？”子路曰：“识。”颜渊曰：“何鸟？”子路曰：“同同之鸟。”颜渊曰：“何一鸟而二名？”子路曰：“譬如丝如绢，煮之则为帛，染之则为皂，不亦宜乎？”(《圣门十六子书·颜子书》引《冲波传》)颜回问：“朋友之际如何？”孔子曰：“君子之于朋友也，心必有非焉，而弗能谓吾不知，其仁人也，不忘久德，不思人怨，仁矣夫。”(《孔子家语·颜回》)颜子在鲁。

十五岁 公元前507年，周敬王十三年，鲁定公三年。邾庄公卒，邾隐公即位。卜商生。商字子夏，卫国人。颜回问君子。孔子曰：“爱近仁，度近智，为己不重，为人不轻，君子也夫。”回曰：“敢问其次。”子曰：“弗学而行，弗思而得，小子勉之”。(《孔子家语·颜回》)子曰：“吾与回言终日，不违如愚，退而省其私，亦足以发，回也不愚。”(《论语·为政》)颜子在鲁。

十六岁 公元前506年，周敬王十四年，鲁定公四年。吴、蔡、唐联合大败楚师，楚臣申包胥赴秦乞援。孔子观鲁桓公庙宥坐之欹器，联想起“持满”之道，对弟子说：“吾闻宥坐之器者，虚则欹，中则正，满则覆”，“恶有满而不覆者哉？”(《荀子·宥坐》)子曰：“语之而不惰者，其回也与。”(《论语·子罕》)。颜子在鲁。

十七岁 公元前505年，周敬王十五年，鲁定公五年。六月，鲁国季孙意如(季平子)卒。阳虎欲见孔子，孔子不见，于是馈孔子豚，欲待孔子拜谢时见孔子。孔子不欲见，打听得阳虎不在时拜谢，但不巧在路上遇到了，阳虎劝孔子出仕，孔子口头答应，但终不仕(见《论语·阳货》)。颜子在鲁。

十八岁 公元前504年，周敬王十六年，鲁定公六年。季氏家臣阳虎擅权日重。子曰：“回也，非助我者也，于我言无所不说”(《论语·先进》)。颜子在鲁。

十九岁 公元前503年，周敬王十七年，鲁定公七年。颛孙师生。师字子张，陈人。颜子将西游，问于孔子曰：“何以为身？”孔子曰：“恭敬忠信，可以为自，恭则免于众，敬则人爱之，忠则人与之，信则人恃之。人所爱，人所与，不所恃必免于患矣。可以临国家，何况于身乎？故不比数而比疏，不亦远乎？不修中而修外，不亦反乎？不先虑事，临难乃谋，不亦晚乎？”(《说苑·敬慎》又见《孔子家语·贤君》)。颜子是年由鲁西游至卫，由卫至宋，由宋返鲁。

二十岁 公元前502年，周敬王十八年，鲁定公八年。孔子年五十，自谓“五十而知天命”。阳虎谋杀季氏未遂，入驩(今山东宁阳县西北)、阳关(今泰安市东南)以叛。公山不狃使人召孔子，孔子欲往，因子路反对而未成行。颜子在鲁，是年行冠礼，娶戴氏。

二十一岁 公元前501年，周敬王十九年，鲁定公九年。六月鲁伐阳虎，攻打阳关。阳虎突围奔齐，旋逃亡宋国，最后逃至晋国，投赵简子。孔子任中都(今山东省汶上县西)宰，卓有成绩，治理一年，四方皆则之。冉鲁曹恤、伯虔、颜高、叔仲会生。颜回问仲尼曰：“孟孙才，其母死，哭泣无涕，中心不戚，居丧不哀。无是三者，以善处丧盖鲁国，固有无其实而得其名者乎？回壹怪之”。(《庄子·大宗师》)。颜子在鲁。是年生颜歆。

二十二岁 公元前500年，周敬王二十年，鲁定公十年，孔子升大司寇，摄相事。鲁定公与齐景公会于夹谷(今山东莱芜市南)。孔子以大司寇身份为定公相礼，颜回等弟子随行。颜回问仁。子曰：“克己复礼为仁。一日克己复礼，天下归仁焉。为仁由己，而由人乎哉？”颜渊曰：“请问其目。”子曰：“非礼

勿视，非礼勿听，非礼勿言，非礼勿动。”颜渊曰：“回虽不敏，请事斯语矣”（《论语·颜渊》）。孔子见客，客去。颜渊曰：“客仁也？”孔子曰：“恨兮其心，鄙兮其口，仁则吾不知也。”颜渊蹙然变色曰：“良玉度尺，虽有十仞之土，不能掩其光；良珠度寸，虽有百仞之水，不能掩其莹。夫形，体之包心也，闵闵乎其薄也。苟有温良在其中，则眉睫著之矣；疵瑕在中，则眉睫不能匿之。诗曰：钟鼓于宫，声闻于外。”（《韩诗外传·四》）颜子在鲁。

二十三岁 公元前499年，周敬王二十一年，鲁定公十一年。孔子为鲁大司寇，鲁国大治。子曰：“回也，其心三月不违仁，其余则日月至焉而已矣。”（《论语·雍也》）颜子在鲁。

二十四岁 公元前498年，周敬王二十二年，鲁定公十二年，颜回等随孔子堕三都。颜渊问为邦。子曰：“行夏之时，乘殷之辂，服周之冕，乐则《韶》、《舞》。放郑声，远佞人；郑声淫，佞人殆。”（《论语·卫灵公》）。陈大夫聘鲁，私见叔孙氏。叔孙氏曰：“吾国有圣人。”曰：“非孔丘邪？”曰：“是也。”“何以知其圣乎？”叔孙氏曰：“吾尝闻之颜回曰：孔丘能废心而用形。”（《列子·仲尼》）颜子在鲁。

二十五岁 公元前497年，周敬王二十三年，鲁定公十三年。颜子随孔子离开鲁国前往卫国，住在卫都帝丘（今河南省滑县）颜浊邹家。十月离开卫往陈国，在过匡地时，匡人误认孔子为阳虎，围困孔子师徒。颜子后至，解匡人围。经蒲地，赶上公叔氏起事，又被当地所围，孔子与蒲人盟。返回卫国，住在蘧伯玉家。子畏于匡，颜渊后。子曰：“吾以汝为死矣。”曰：“子在，回何敢死。”（《先进》）回问小人。孔子曰：“毁人之善以为辩，狡讦怀诈以为智；幸人之有过，耻学而羞不能，小人也。”颜回问于孔子曰：“小人之言，有同乎君子，不可不察也。”孔子曰：“君子以

行言，小人以舌言，故君子于为义之上相疾也，退而相爱；小人于为乱之上也相爱也，退而相恶。”（《孔子家语·颜回》）孔子在卫。昧旦晨兴，颜回侍侧，闻哭者之声甚哀。子曰：“回也，汝知此何所哭乎？”对曰：“回以此哭声，非但为死者而已，又将有生离别者也？”对曰：“何以知之？”对曰：“回闻桓山之鸟，生四子焉。羽翼既成，将分飞于四海，其母悲鸣而送之，哀声有似于此，谓其往而不返也，回窃以音类知之。”孔子使人问哭者。果曰：“父死家贫，卖子以葬，与之长诀。”子曰：“回也，善于识音矣。”（《孔子家语·颜回》）。颜子在卫。

二十六岁 公元前496年，周敬王二十四年，鲁定公十四年。孔子见卫灵公夫人南子，子路不悦。灵公与南子让孔子为次乘招摇过市，孔子耻之。“邑名朝歌，颜渊不舍。七十弟子掩目。宰我独顾，由蹙堕车。”宋均曰：“子路恶宰予顾视凶地，故以足蹙之，使下车也。”（《颜氏家训》）颜子在卫。

二十七岁 公元前495年，周敬王二十五年，鲁定公十五年。颜子跟随孔子离开卫国，到曹国，又从曹国到宋国，见宋景公。孔子曾与弟子习礼于大树下，宋司马桓魋以砍树的举动警告孔子。颜子设计离宋至郑，然后至陈，住陈大夫司城贞子家中。子夏问于孔子曰：“颜回之为人奚若？”子曰：“回之仁，贤于丘也。”曰：“子贡之为人奚若？”子曰：“赐之辩，贤于丘也。”曰：“子路之为人奚若？”子曰：“由之勇，贤于丘也。”曰：“子张之为人奚若？”子曰：“师之庄，贤于丘也。”子夏避席而问曰：“然则四子者何为事夫子？”曰：“居，吾语汝，夫回能仁而不能反；赐能辩而不能讷；由能勇而不能怯；师能庄而不能同。兼四子者之有以易吾，吾弗许也。此其所以事吾而不贰也。”

（《列子·仲尼》）孔子使子贡往外，久不来。孔子谓弟子占之，遇“鼎”。皆言：“无足不来。”颜子掩口而笑。子曰：“回哂，谓赐来

也。”曰：“无足者，乘舟而来。赐至矣，朝也。”子贡果朝至（《绎史》等引《冲波传》）子谓子贡曰：“女与回也孰愈？”对曰：“赐也何敢望回，回也闻一以知十，赐也闻一以知二。”子曰：“弗如也，吾与女，弗如也。”

（《论语·公治长》）孔子曰：“自吾有颜回，门人益亲。”（《史记·仲尼弟子列传》）孔子与子路、子贡、颜渊游于戎山之上。孔子喟然叹曰：“二三子各言尔志，予将览焉！由尔何如？”对曰：“得白羽如月，赤羽如日，击钟鼓者上闻于天，旌旗翩翻，下蟠于地，使将而攻之，惟由为能！”孔子曰：“勇士哉！赐尔何如？”对曰：“得素衣缟冠，使于两国之间，不持尺寸之兵，升斗之粮，使两国相亲如弟兄。”孔子曰：“辩士哉！回尔何如？”对曰：“鲍鱼不与兰茝同笥而藏，桀纣不与尧舜同时而治，二子已言，回何言哉！”孔子曰：“回有鄙之心”。颜渊曰：“愿得明王圣主为之相，使城郭不治，沟池不凿，阴阳和调，家给人足，铸库兵以为农器。”孔子曰：“大士哉！由来，区区汝何攻？赐来，便便汝何使？愿得衣冠，为子宰焉”。（《韩诗外传·九》）。《说苑·指武》、《韩诗外传·七》记载略有不同）颜子离卫过曹，经宋、郑而至陈。

二十八岁 公元前494年，周敬王二十六年，鲁哀公元年。卫将文子问于子贡曰：“吾闻夫子之施教也。……盖入室升堂七十有余人。闻之孰为贤也……”子贡对曰：“夙兴夜寐，讽诵崇礼；行不贰过，称言不苟，是颜渊之行也。”《孔子家语·弟子行》）孔子曰：“回有君子之道四焉：强于行义，弱于受谏，怵于待（王注“待”宜为“得”）禄，慎于治身。”（《孔子家语·六本》）颜子离陈至卫。

二十九岁 公元前493年，周敬王二十七年，鲁哀公二年。颜渊入，子曰：“智者若何？仁者若何？”颜渊对曰：“智者自知，仁者自爱。”子曰：“可谓明君矣。”（《荀子·子

道》、《孔子家语·三恕》）子夏读诗毕。
……颜渊曰：“其表已现，其里又何有哉。”
(《韩诗外传·二》) 颜子由卫至陈。

三十岁 公元前492年，周敬王二十八年，鲁哀公三年。颜路年五十四，孔子年六十。子曰：“回之为人也，择乎中庸；得一善，则拳拳服膺，而弗失之矣。”（《中庸》）颜渊东之齐，孔子有忧色。子贡下席而问曰：“小子敢问。回东之齐，夫子有忧色。何也？”子曰：“……吾恐回与齐侯言尧、舜、黄帝之道，而重以燧人、神农之言。彼将内求于己而不得，不得则惑，人惑则死。”（《庄子·至乐》）颜子在陈。

三十一岁 公元前491年，周敬王二十九年，鲁哀公四年。孔子谓颜回曰：“人莫不知此道之美，而莫之御也，莫之为也，何居为闻者，盖日思也夫！”。《孔子家语·颜回》）颜回问于仲尼曰：“成人之行若何？”子曰：“成人之行，达乎情性之理，通乎物类之变，知幽明之故，睹游气之原，若此而可谓成人。既知天道，行躬以仁义，饰身以礼乐；夫仁义礼乐，成人之行也。穷神知化，德之盛也。”（《说苑·辨物》、《孔子家语·颜回》）颜回问于仲尼曰：“吾尝济乎觞深之渊矣，津人操舟若神。吾问焉曰：‘操舟可学邪？’曰：‘可，能游者可教也；善游者，数能。乃若夫没人，则未尝见舟而谬操之也。’吾问焉而不告，敢问何谓也？”仲尼曰：“言医！吾与若玩其文也久矣，而未达其实，而固且道与。能游者可教也，轻水也；善游者之数能也，忘水也。乃若夫没人之未尝见舟，而谬操之也。彼视渊若陵，视舟之覆犹其车却也。”（《列子·黄帝》）颜子居陈，后入蔡。

三十二岁 公元前490年，周敬王三十年，鲁哀公五年。孔子师徒自蔡返陈。子路曰：“人善我，我亦善人；人不善我，我亦不善之。”子贡曰：“人善我，我亦善之；人不善我，我则引之进退而已耳。”颜子曰：“人

善我，我亦善之；人不善我，我亦善之。”三子所持各异，问于夫子。夫子曰：“由之言，蛮貊之言也；赐之言，朋友之言也；回之言，亲属之言也。诗曰：‘人之无良，我以为兄。’”

（《韩诗外传·九》）宰我谓：“三年之丧，日月既周，星辰即更，衣裳既造，百鸟既变，万物既易，黍稷即生，朽者既枯，于期可矣。”颜渊曰：“人知其一，莫知其他；但知暴虎，不知凭河。鹿生三年，其角乃墮，子生三年而离父母之怀。子虽美辩，岂能破尧舜之法，改禹汤之典，更圣人之文，除周公之礼，改三年之丧哉。父母者，天地也。天崩地坏，为三年之丧，不亦宜乎”（《冲波传》）。颜子自蔡返陈。

三十三岁 公元前489年，周敬王三十一年，鲁哀公六年。是岁，吴伐陈，楚救陈。楚闻孔子在陈蔡之间，使人聘孔子。孔子困于陈蔡之间，绝粮七日。孔子知弟子有愠心，乃召子路而问曰：“《诗》云‘匪兕匪虎，率彼旷野。’吾道非邪？吾何为于此？”子路曰：“意者吾未仁邪？人之不我信也。意者吾未知邪？人之不我行也。”孔子曰：“有是乎！由，譬使仁者而必信，安有伯夷、叔齐？使知者而必行，安有王子比干？”子路出，子贡入见。孔子曰：“赐，《诗》云‘匪兕匪虎，率彼旷野。’吾道非也？吾何为于此？”子贡曰：“夫子之道至大也，故天下莫能容夫子。夫子盖少贬焉？”孔子曰：“赐，良农能稼而不能为穑，良工能巧而不能为顺。君子能修其道，纲而纪之，统而理之，而不能为容。今尔不修尔道而求为容。赐，而志不远矣！”子贡出，颜回入见。孔子曰：“回，《诗》云‘匪兕匪虎，率彼旷野。’吾道非也？吾何为于此？”颜回曰：“夫子之道至大，故天下莫能容。虽然，夫子推而行之，不容何病，不容然后见君子！夫道之不修也，是吾丑也。夫道既已大修而不用，是有国者之丑也。不容何病，不容然后见君子！”孔子欣然而笑曰：“有是哉，颜氏之子！使尔多财，吾为尔

宰。”（《史记·孔子世家》）孔子穷于陈蔡之间，七日不火食。左据槁木，右击槁枝，而歌翩氏之风，有其具而无其数，有其声而无宫角。木声与人声，犁然有当于人之心。颜回端拱还目而窥之。仲尼恐其广已而造大也，爱已而造大也，曰：“回，无受天损易，无受人益难。无始而非卒也，人与天一也。夫今之歌者其谁乎！”曰：“敢问无受天损易。”仲尼曰：“饥渴寒暑，穷桎不行，天地之行也，运物之泄也，言与之偕逝之谓也。为人臣者，不敢去之。执臣之道犹若是，而况乎所以待天乎？”“何谓无爱人益难？”仲尼曰：“始用四达，爵禄并至而不穷。物之所利，乃非已也，吾命其在外者也。君子不为盗，贤人不为窃，吾若取之何哉？故曰：鸟莫知于鶗鴂，目之所不宜处不给视，虽落其实，弃之而走。其畏人也而袭诸人间。社稷存焉尔！”“何谓无始而非卒？”仲尼曰：“化其万物而不知其禅之者，焉知其所终？焉知其所始？正而待之而已耳。”“何谓人与天一邪？”仲尼曰：“有人，天也；有天，亦天也。人之不能有天，性也。圣人晏然体逝而终矣。”（《庄子·山木》）。“使子贡至楚。楚昭王兴师迎孔子，然后得免。昭王将以书社七百里封孔子。楚令尹子西曰：“王之使诸侯，有如子贡者乎？”曰：“无有。”“王之辅相，有如颜回者乎？”曰：“无有。”“王之将率，有如子路者乎？”曰：“无有。”“王之官尹，有如宰予者乎？”曰：“无有。”“……今孔丘得据土壤，贤弟子为佐，非楚之福也。”昭王乃止。其秋，楚昭王卒于城父（《史记·孔子世家》）。颜子自陈入蔡，绝粮七日。

三十四岁 公元前488年，周敬王三十二年，鲁哀公七年。夏，鲁哀公与吴人会于鄫（今山东峰县境内），吴向鲁国索取牛、羊、猪各一百头为祭品。吴太宰嚭召季康子，康子使子贡辞谢（这时子贡已仕鲁为大夫），子贡以周礼说服嚭，很好地完成了使命。颜渊、季路侍。子曰：“盍各言尔志。”子路曰：“愿

车马、衣轻裘，与朋友共，敝之而无憾。”颜渊曰：“愿无伐善，无施劳。”子路曰：“愿闻子之志。”子曰：“老者安之，朋友信之，少者怀之。”（《论语·公冶长》）颜渊曰：“舜何人也，予何人也。有为者，亦若是。”（《孟子·滕文公上》）子曰：“从我于陈、蔡者，皆不及门也。”德行：颜渊、闵子骞、冉伯牛、仲弓。言语：宰我、子贡。政事：冉有、季路。文学：子游、子夏。”（《论语·先进》）颜渊问于仲尼曰：“夫子步亦步，夫子趋亦趋，夫子驰亦驰，夫子奔逸绝尘，而回瞠若乎后矣！”夫子曰：“回，何谓邪？”曰：“夫子步亦步也，夫子言亦言也；夫子趋亦趋也，夫子辨亦辨也；夫子驰亦驰也，夫子言道，回亦言道也；及奔逸绝尘而回瞠若乎后者，夫子不言而信，不比而周，无器而民滔乎前，而不知所以然而已矣”。（《庄子·田子方》）颜子先孔子由楚至陈，至宋，孔子病于陈，颜子返陈迎孔子经宋至卫。

三十五岁 公元前487年，周敬王三十三年，鲁哀公八年。三月，吴伐鲁，吴大败，孔子弟子有若参战有功。乐稽耀嘉曰：“颜回尚三教，变虞夏。”〔按：夏教忠，殷教敬，周教文〕（《白虎通·三教篇》）颜子在卫。

三十六岁 公元前486年，周敬王三十四年，鲁哀公九年。颜路六十岁，孔子夫人亓官氏卒。仲尼闲居，子贡入侍而有忧色。子贡不敢问，出告颜回。颜回援琴而歌，孔子闻之，果召回入。问曰：“若奚独乐？”曰：“夫子奚独忧？”孔子曰：“先言尔志。”曰：“吾昔闻之夫子曰：‘乐天知命’故不忧，回所以以乐也。”孔子愀然有间曰：“有是言哉，汝之意失矣！此吾昔日之言尔，请以今言为正也。汝徒知乐天知命之无忧，未知乐天知命有忧之大也，今告若其实：修一身，任穷达，知去来之非我，亡变乱于心虑，尔之所谓‘乐天知命’之无忧也。曩昔吾修诗书、正礼乐、将以治天下，遗来世；非旦修一身，治鲁国而已。而鲁之君臣日失其序，仁义益衰，性情益

薄，此道不行一国与当年，其如天下与来世矣？吾始知《诗》、《书》、《礼》、《乐》无救于治乱，而未知所以革之之方，此乐天知命之所忧。虽然，吾得之矣。夫乐而知者非古人之所谓乐知也。无乐无知，是真乐真知；故无所不乐，无所不知，无所不忧，无所不为。《诗》、《书》、《礼》、《乐》，何弃之有？革之何为？”颜回北面拜手曰：“回亦得之矣。”出告子贡，子贡茫然自失，归家淫思七日。不寝不食，以至骨立。颜回重往喻之，乃反丘门，弦歌诵书，终身不辍。（《列子·仲尼》）颜回谓子贡：“吾闻诸夫子：身不用礼，而望礼于人，身不用德，而望德于人，乱也。夫子之言，不可不思也。”（《孔子家语·颜回》）颜子在卫。

三十七岁 公元前485年，周敬王三十五年，鲁哀公十年。孔子谓颜回曰：“回，来！家贫居卑，胡不仕乎？”颜回对曰：“不愿仕，回有郭外之田五十亩，足以给饘粥；郭内之田十亩，足以为丝麻；鼓琴足以自娱；所学夫子之道者足以自乐也，回不愿仕。”孔子愀然变容，曰：“善哉，回之意！丘闻之：‘知足者，不以利自累也；审自得者，失之而不惧；行修于内者，无位而不怍。’丘诵之久矣，今于回而后见之，是丘之得也。”（《庄子·让王》）颜渊喟然叹曰：“仰之弥高，钻之弥坚。瞻之在前，忽焉在后。夫子循循然善诱人。博我以文，约我以礼，欲罢不能。既竭吾才，如有所立卓尔。虽欲从之，未由也已。”

（《论语·子罕》）子谓颜渊曰：“用之则行，舍之则藏，惟我与尔是夫。”（《论语·述而》）颜回谓子路曰：“力猛于德，而得其死者，鲜矣！盍慎诸焉。”（《孔子家语·颜回》）颜子在卫。

三十八岁 公元前484年，周敬王三十六年，鲁哀公十一年，春，齐师伐鲁，冉有为季氏将左师，与齐军战于鲁郊，克之。季康子问他怎样学会作战的，冉有说，学于孔子，遂荐孔子于季氏。季康子派公华、公宾、公林

以币迎孔子归鲁。仲孙何忌问于颜子曰：“一言而有益于仁智，可得闻乎？”对曰：“一言而有益于智，莫如豫；一言而有益于仁，莫如恕。夫知其不可由，斯知其所由矣。”（《孔子家语·颜回》）叔叔武叔见（中有阙文）未仕于颜回。宾曰：“武叔多称人之过，而已评论之”。颜回曰：“固子之来辱也，宜有得于回焉。吾闻诸孔子曰：‘言人之恶，非所以美己；言人之枉，非所以正己。’故君子攻其恶，无攻人之恶”。（《孔子家语·颜回》）子路去鲁，谓颜回曰：“何以赠我？”曰：“吾闻之，去国则哭于墓，而后行；反其国，不哭，展墓而入。”谓子路曰：“何以处我？”子路曰：“吾闻之，过墓则式，过祀则下。”

（《礼记·檀弓》）鲁献子聘于晋，宣子觞之。三徙钟石之悬，不移其具。献子曰：“富哉，家。”宣子曰：“子之家，孰与我家富？”献子曰：“吾家甚贫，惟有二士，曰颜回、兹无灵者，使我邦家平安，百姓和协。惟此二者耳，吾尽于此矣。”客出，宣子曰：“彼君子也，以养贤为富；我鄙人也，以钟石金玉为富。”孔子曰：“孟献子之富，可著于春秋”（《新序·刺奢》）。颜子在鲁，助孔子整理古代典籍，设坛讲学。

三十九岁 公元前483年，周敬王三十七年，鲁哀公十二年。孔子之子伯鱼卒。懿子曰：“夫子亦有四邻乎？”孔子曰：“吾有四友焉。自我得回也，门人加亲，是非胥附乎？自吾得赐也，远方之士日至，是非奔辏乎？自我得师也，前有光，后有辉，是非先后乎？自我得由也，恶言不至于门，是非御侮乎？”（《孔丛子·论书》）又见《尚书大传·殷传》）子曰：“颜氏之子，其殆庶几乎。有不善未尝不知，知之未尝复行也。”（《周易大传·系辞下》）颜子在鲁。

四十岁 公元前482年，周敬王三十八年，鲁哀公十三年。孔子年七十。孔子晚年而好《易》，“读《易》，韦编三绝”（《史记·孔子世家》）。颜子在鲁。

四十一岁 公元前481年，周敬王三十九年，鲁哀公十四年。春，管理山林的人，在曲阜西面的大野捕获一怪兽，据说是麟。孔子说：“吾道穷矣！”秋，八月二十三日，颜子卒于曲阜陋巷。葬于曲阜城东防山之阳。颜渊死。子曰：“天丧予！天丧予！”（《论语·先进》）。颜渊死，子哭之恸。从者曰：“子恸矣！”曰：“有恸乎？非夫人之为恸而为谁？”（同前）颜渊死，颜路请孔子车以为之椁。子曰：“才不才，亦各言其子也。鲤也死，有棺而无椁，吾不徒行以为之椁。以吾从大夫之后，不可徒行也。”（同前）颜渊死，门人欲厚葬之。子曰：“不可！”门人厚葬之。子曰：“回也，视予犹父也，予不得视犹子也。非我也，夫二三子也。”（同前）“颜子之丧，馈（《孔子家语》作“颜路馈”）祥肉。孔子出而受之。入，弹琴而后食之。”（《礼记·檀弓上》）颜回死，鲁定公（哀公之误），吊焉，使人访于孔子。孔子曰：“凡在封内，皆臣子也，礼，君吊其臣，升自东阶，向尸而哭，其恩赐之施，不有祭也（《孔子家语·曲礼》）孔子哭之恸曰：“自吾有回，门人益亲。”（《史记·弟子列传》）“颜渊发白齿落。夫以庶几之材，犹有仆顿之祸；孔子力优，颜渊不任也”（《论衡·效力》）。“颜回希舜，所以早亡”（《金楼子·立言》）哀公问：“弟子，孰为好学？”孔子对曰：“有颜回者好学。不迁怒，不贰过，不幸短命死矣。今也则亡，未闻好学者也。”（《论语·雍也》）季康子问：“弟子，孰为好学？”孔子对曰：“有颜回者好学。不幸短命死矣，今也则亡。”（《论语·先进》）。